



薊丘集卷之十六

七言古詩三十七首

吳偉院體捕魚圖歌

先朝推畫手神妙有吳生能用天機變院體真
率頗得古人情橫江一片開洲渚坐見瀟湘傳
鱣素點綴斜傾松柏青微茫真自驚煙霧更有
大船初布網小船鱗錯齊相榜大魚踊躍腮鬚
露小魚泱泱時俯仰擊汰無聲峭帆張石鱉初
花杜若香齷齪數峰浸翠嶺森森半浦舞青房



自是紛紛望不極，觸頭少婦無華色。慘淡愁陰
若可親，柳條鬢金還堪識。不獨開柁別有神，色
映空堂氣相逼。世上好手更有誰，坐對茲圖三
歎息。

蔣名祺山水畫壁歌

京師畫工李賦質，少年筆力真驚絕。可惜汗血
蚤摧隕，同學弟子多孤特。數傳復有蔣名祺，頗
從師法出清思。西門畫壁殊有意，哀壑崇山淡
復滋。洞庭餘雪荆門嶺，亂挿松梧拂天水。樹
交摧勢更雄，洪濤直瀉懸孤影。聞道半酣下筆
時，縱觀凝想始留題。每逢奔鶩筆殊緩，散漫不
覺成神竒。近來畫工殆絕響，縱貌山林悉牽強。
忍教半壁就傾頽，不使江煙共函丈。

劉與可畫竹歌

與可逃名頗愛畫，丹青不惜名俱沒。猶有畫竹
在人間，數尺猗儺殊秀發。枝頭滴瀝若相縈，靜
聽猶聞風雨聲。迷離粉墨渾相亂，百葉粗疎冉
冉生。晴天簾卷留真跡，淒清猶可思高致。盤根

澁勒足孤貞防露何年灑蒼翠鄉土誰知高士
名照映琅玕坐垂淚

雨雪篇

明燈靜夜悲自語滿地飛花照清醕坐判窮愁
卒歲時寒風剪剪傷心緒飄零殘雪照人衣滴
瀝松筠到處飛一杯強進應無勸為我回船知
是誰

後雨雪篇

幽燕夜雪光浩浩朔氣橫空淨如掃畫棟晴雲
寒不捲珠簾春樹愁應早坐對微風戶牖光鈇
壺擊盡更移床閉戶著書誰索取燈前浩歎意
何長

張山人山水障子歌

山中朝氣凝不散竹梧攬結艤江岸中有老人
披篔簹鳴榔欲行初舉爨遠望青熒滿虛谷數
鳥驚飛鴈行斷一片霞標起赤城山僧金磬鬱
無聲寫入畫圖眼更明誰能為之洛下生筆氣
秀媚奪天精玉露金花雜石鏡蔭映天門照清

瑩如君倘向山中遊
華鳥筇枝早相贈

鷓鴣圖歌

鷓鴣毛羽本灰色
畫工貌之殊有狀
骨力森張體自輕
欲行不行勢相向
雌者高鳴若有求
下臨芳草香色幽
更有雄鳴秋色裡
空石清冷瀑水流
遙看二鳥真竒絕
精神竦峙天機閉
亂衰香麝不驚塵
微露餘毫點殘雪
何須筋力助朱絃
獨放山巖抱孤潔

荅李二

紛紛年少堪過目
相思不獨關親故
嗟君頗有古人風
淵鏡精神秀天骨
古稱廉吏著清芬
隴右爭傳爾府君
同體相憐知我拙
虛名何足羨軼羣

冬夜引

夜長燈明映華錯
霜風遶屋飛殘籜
仰視明星澹復昏
遠聽悲笳止還作
微官局促令人悲
回首青山堪寂寞
一尊聊與朋輩期
萬事栖遲自無託
小園石洞雪方殘
冰骨龍鱗水初涸
色難

藻綬獨懷思三逕依然尚如昨偃蹇無端千古
愁幽栖易見田園樂厨下菰羹蕪菜芻更斲雲
根取仙藥羨可供養藥扶衰惣任鄰人笑蕭索

閑中吟

負牆雪映數株梅滿野風摧千樹柳牀上惟餘
萬卷書眼前正對一杯酒栖遲獨自守蓬蒿微
祿依希似馬曹山月松花解我意北風驅使到
香醪

示崔五

城中積雪一尺深梅蕊松枝映玉琴憐君負笈
來相訪坐解鞶囊奏好音清商轉調殊清切山
水孤懷坐成結生世難逢鍾子期滿耳精靈為
誰設

姜叅軍見惠紫笋茶索詩走筆作歌

姜侯惠我茶一串自稱得自綿竹縣巖蕤數枝
香霧勻疑是抽萌竹初變忠州舊推菜萸房馳
致千里春雨香雀舌尺寸不盈嚙雲籠一夜徑
尺長未有此物更殊絕異種靈苗自清切幽姿

半染錦城霞美味遙分玉局雪香巾初解散紅
綸玄霧寒光欲喫人三載倍增高士想一瓢未
覺野人貧乍開石鼎堪回首屏掩瀟湘色方透
鄙夫暫對解愁顏獨攬馨香夢清晝

摩訶菴聞僧誦經有作

上國詔提七十五中間蘭若真難數此地經行
名德流旃罽香幢充四廡閒看金界意悠悠仙
梵依微高樹秋月上溶盧寒色皎恍若魚山清
夜遊美音滿字添惆悵幽壑流波勢難狀有情
羞對四花香金鳩神蛟泣春漲會將蓬鬢定歸
依黻黼朦朧媿身妾

水晶玉筋篆壺歌

高堂祇甚來寒雲玉壺疑甃甃若將傾誰將鬼斧
恣彫鑿觚稜秀出奪天精大海漸消石骨立春
風不度玉花明雪態初迴當月幕愁陰半掩貯
金莖更有輪焚垂古字斜綴鉤懸自清媚鐵畫
猶存不鼓形珠圓不斷鮫人淚瀲灩時能轉白
波空明真自傳冰澌直是褰帷翡翠堂玳筵十

二坐生光年來棄置愁春色無數金苔汎曉觴
高軒賓客咸稱壽藥椀螺杯共回首總使神明
媿始皇永酌天漿洗孤陋

呂山人藏李在畫小山水圖歌

崒若太行山挂之森蔚間木末無纖雲鳥去不
復還中間松栢大盈抱半襍瑟瑟兼瑤草千峰
松雪向人遲一片雲霞出海早疑似淒清若有
神歷亂千年常自新道氣自能開晤賞顧盼世
俗如遺塵始知山水有真趣只尺青冥自難遇
作者無心更有情滿目寒雲若為住

雜興寄山中人

十丈垂楊枝拂地連城豐草鶯啼亂空山一望
少人行潭水虛舟自艤岸山中伴侶久沉淪奔
走風塵媿此身山人定是長相憶山鳥何時不
向人

暮春小園家宴

欣欣春自盡香蘭初可佩重澗花漸開空山水
方漚難寒雀臞蒼青梅桑落同開長命杯陽翟

新聲林外振娑盤妙舞掌中迴滿溪魚乳榴將
吐十里寒林宿新雨日日歡呼奉老親何必崎
嶇離故土

中山行

黃沙隱隱銜青草長途日暮行人少雨色遙從
堯母陵沙痕直繞中山道吊古重經狐兔踪樂
羊狗國尚遺蹤若使文侯非下士爭知魏國有
新封晨鳧北犬誰持節媿我驅車愁反側西看
翠積抱陽山欲挹明珠守空穴

時羅建立之議
定州西三十里

有抱陽山明珠穴
唐張燕公讀書處

清風店行

近代功名誰出羣驍雄無過石將軍塞上相傳
推善戰時危倉卒成高勳憶昔己巳年間事翠
華一去無消息三年烽火滿邊州四海勤王議
和市獨有將軍膽力殊親持旗鼓出城隅漢虜
相逢清風店早暮血戰真忘軀遺鏃沉沙滿空
壘霜雪凌風色皚皚高牙大纛不常存鐵券金
貂竟何在嗟嗟奢僭寡忠謀寵極驕生萬戶侯

才能昔謂千年業寂滅今餘一古丘清風店邊
多茂草馬蹄躑躅從東道莫謂今人即昔人獨
坐蕭條感懷抱出門長嘯更何言去去憂時難
自保

觀趙州栢林寺壁畫水戲為短歌

昔聞栢林寺中壁粉繪半模趙州水我來一見
心茫然筆勢滔滔更無比洶湃千峰秋色高文
波翻石雜霾靡未識何人擅國工水氣蒼茫意
際雄一掃天下沼沚小筆底能分滄海功遙映
旃檀倍功德願采靈芽煮清冽不須重禮止觀
經看取森踈庭下栢

夷門行

大梁城外雲初暗旅客隔手不相見夷門咫尺
尚可尋遺跡蕭條迷郡縣七國紛紛羸弱姬信
陵好客天下知意氣不關豪俠者心情肯許路
傍兒侯生慷慨多竒畧軍符竊發真揮霍不妨
監市為停車何事群公自驚座大材自古易沉
淪齷齪相拘不可論君看混跡泥塗者多少臨

時感激人

朝歌行

伏軾下朝歌孤城北風緊野火入平林蒼茫照
山影高樓隱起鹿臺空樹澆西園筆竹叢當時
屠飯人何在惟有飛鷹擊澤中

洛中暮望聊為短歌

洛城鬱鬱樹森森洛水東流王屋陰尸鄉老父
今何在金谷千秋只竹林銜悲留滯多愁緒竒
石青山更無主蒼茫微見潁陽祠寂寞空餘大
梁樹欲去不去復淹留吾何為乎在中州自是
下鞫悲道路誰言負弩羨諸侯若使故園猿鶴
見馬蹄數數自堪羞

凌雲臺行

建春門外有高臺綺構雕楹複道開鑿井紛葩
含璧玉置櫺隱曜飭玫瑰勢倚平川矯雲霓去
西風入林窓不閉何代崢嶸此鬼工路人云是
魏文帝抱漣向澗隔周秦木杪濺濺見孟津一
望頓消愁思意反羨東西南北人

莫懊懷行

須髯如戟真丈夫，開心寫意肝膽廉。眼前但有
一杯酒，何問軒車事。有無君不見，梧桐青青實
新結。鸞皇不肯輕下咽，何事腥臊恣叫呼。笑爾
鴟鴞與啼鳩，人生拓落亦可憐。禮數不為我輩
設，記憶細故日來尋。山高水遠早相絕。

出弘農適有不愜，兼以離懷再賦重思。

歸行

盧師之山遠葱峭，只尺西湖挂霞嶠。慈親月給

五斗米，三四山人頗同調。深林豐草傾玉壺，時
向溪邊一長嘯。山中之樂復何如，自歎胡為乘
此車。秦中佳麗雖滿目，逢迎草擾常勤渠。夸父
精誠如有在，安得厝置王屋與秦餘。置我岩壑
中，依然故里間。秦山青，隴山白，欲歸不歸馬
行客道傍，羗笛何人吹。草樹茫茫隱天碧。

雨中過馬嵬

雨金城南塵漠漠，馬嵬山色青如削。千巖倏忽
涼，雨生孤電盤雲照。山郭憶昔漁陽禍，唐室珠

旗翠幕投三蜀世情瀕洞無竒策坐使摧殘在
空谷重來古道自淒迷緬想悲歌對遺躅秀石
烟虹不見人千秋窈窕誰能贖豈有風塵先貴
嬪綉衣玉玦何拘促山間瑤草雜藤蘿日繞青
冥泣金粟

僕取道兗鄆以登岱且還鄉密邇也既
而不果斯遊慨然成作

奉高城下多岐路襜褕驅人不得住坐望靈山
阻壯遊吁嗟誰竟知其故東風摧雨散如絲剪
剪松聲青帝祠綠水丹崖應有鑿此心真與百
年期群峯流眄還堪歎綠秀如花滿雲漢何人
為我掃塵氛拄杖簞瓢遊汗漫

贈許老

一自見君三載後每向風塵思邂逅幽意栖遲
類古人草茅坦率真耆舊烹牛設酒何紛紛憐
我踈狂留我宿小園新種襍花樹遺粒馨香暗
清晝積翠西風不捲簾微涼四座常盈袖酒酣
却論十年時竹木征徭若日追樸漱每遭小吏

罵母錢輒荷尚書慈世事悠悠閱人代起謝老
翁當自愛虛懷莫訝少年人野樹山雲片心在

雪浪石刻歌

我聞安定雪浪石迺是東坡居士物美質相傳
五百年貞姿冰魄應佳蔚吊古追尋竟何在出
沒神奇難彷彿想像陰精疑有歸齧齧尋常欲
向誰春水不曾消雪影龍鱗巧寫入流澌玉花
拍浪真奇事虬態雲根點清媚花湧香沾學士
衣浪空夜照幽人志畫圖香渺詎能傳徒置何

人竟不全安得空惚還致此宿好相期古意前

已丑夏遊廬山文殊巖月夜偶見神燈

紀事

高臺滉瀟千峰動日夕峰陰更清烟盤松敲落

下方寒金闕光開翠屏並共憐瑶席坐前楹大

士誰傳清淨身

洞有石像篆額

螺匾竟同苔壁住鐵航

直與石幢鄰聞道神燈有時出不意千秋能一
遇清夜遙看出白雲紅光忽閃明寒霧始如半
篝隱絳紗繼若頽曦落山樹尋丈鉤連若有神

兩三隱顯如相赴，掩映仙雲三石梁。彷彿直透
金爐香，觚底池名一聲鐘過嶺，齋中半炷月盈
牀。吾聞神物常自愛，每向高人無所惜。愚昧還
應媿少年，真誠謬許瞻仙跡。碧壑丹崖鑿我心，
意蓋神光定有臨。迴向文殊一長嘯，紛紛木葉
落山岑。

奉使建昌表弟瞿甫同行次于南浦病
甚留寓山寺悵然賦別

與子同甘遠別離，交情忼慨不關私。那知疾病
偏相厄，逆旅攜持更可悲。何堪鞍馬還行役，為
向空林一卜居。促迫王程催我去，摧殘容貌與
君辭。情到更多生死慮，魂驚重似別家時。山磴
虛明掩石鏡，寒霞清瀑喧金磬。含淒分手復停
車，夕鳥呼風滿山徑。

苦竹坪口占

日暮微舟露沾袂，仰視危峯自迢遞。捨舟攜杖
登岼行，幽意蒼茫坐留滯。連村苦竹十丈長，半
暗篋篋半生筌。斜緣烏柏凝去，清香突出杉花

高點綴山下小舟三兩帆也無漁父空垂竿忽
有野人來問客相看一笑大江寒

過龜峰山

大江日渺渺愁絕坐孤舟微雨遙吹沫清暉自
可留蕓溪涵碧摩天墜青匝龜峯三十二巔巔
蕭森坼紫鱗楮斜吐納增空翠影就芳苓蕩水
明雪湧金鼃混太清若是卜居應莫比到來友
自動歸情

趙公巖同瞿甫賦

早發石門嶺夕至趙公巖石門豁然啓山雨飄
征帆昔人未遇曾卜築遺跡高風滿空谷鈺鈇
堪容數百人篋篋亂挿千竿竹猿嘯鶴啼春復
秋書巖草帶不堪抽山間忽過雙飛鶴更欲鳴
琴何處求

停前行

樹色交加負高嶺四望千山萬山靜小舸微通
蘄水東亂峰直擁盱眙境父老吞聲來相訴車
前髻白俄成聚皆言此中藏盜賊官兵昨日新

誅捕憶昔強梁初逞時蠢爾本是奴僕資一呼
蟻聚數百輩十倍鴟張不可支濫收羣從驅黎
庶橫發文書怖有司兩軍夜戰壺盧口星散官
軍徒赤手蠢賊何曾出鸛鷺亂兵一敗屠雞狗
簇簇黃旗初建牙連營晝夜起悲笳轅門新署
安平幟翠幄重開謀主衙蜂屯豕突何須筭中
外張皇憂疥癬回思今日洗干戈遺恨愁雲覆
絕巘時新擒劇賊劉汝國等停前駟賊所蹂躪地也安平賊僭國號
孫逸人置酒見招同殷從事共賦題壁

山人自愛隱朝市無意相從成比里不憐守道
在孤貧却笑高才無貴仕門前垂柳十餘株半
畝清流瀦小湖日坐樹間同客語有時沽酒自
提壺老去雅耽叔夜鍛相期惟有黃公壚吾羨
山人無所求世人瑣瑣何足儔那有同心吾與
子不出不處常沉浮今年雪早穀不惡丹荔香
蕉映紅素何必追隨猿鶴羣相與酣歌任朝暮

薊丘集卷之十六

薊丘集卷之十七

七言古詩併初唐體二十首

五色鶴引有序

萬曆庚寅夏臣謹班奉 朝退後載出

偶見 苑中五色鶴斑然可異歸而賦詩

孔翠麟姿世不偶仙鳥那知出其右瑞相應為
聖人出羽毛不省人間有衆形掩映更踰躔五
彩瞳朧照前後斜飛不入上陽花一隊羣啣未
央柳雪態輕盈每向人紫霧丹暉遠更真玉骨

有時留赭色青光一拂入紅塵陰陰玄采深無
影一點青山屢不定種穠芳草乍隨風亂撲春
雲自迷逕忽散清光滿上林朝來雲霧總深深
時時紅素搖空影處處樓臺聽好音信是仙人
多狡獪色藉丹砂變靈氣竒毛胎化總難期玉
照仙肌未為貴一掃尋常草野姿遠從靈囿養
珍竒中秋獻壽居華表五夜分飛趁翠旗憶昔
先帝頻遣使遠祀空同玄鶴至常停遊宴五穀
豐坐奏簫韶百獸喜五十年來稱太平奕葉休

光慶此生願同馴鳥呈歌舞歲歲遨遊佳麗城
初春飲薛君宅即席為輕車行奉贈

漢家天子重英雄每從列校識上公竒材劍客
何足數子侯徃徃成大功君不見羽林新拜輕
車尉白皙風姿有竒氣射虜堪分玉帳考治兵
不恃金貂貴一朝大樹衆皆推凜凜中天漾羽
旗不假投醪能得士自將刁斗肅偏裨眼前胡
虜真堪滅坐取封侯良不疑

魚丘引

曙氣陰陰散高樹咫尺青山掩江浦一夕誰驅
東海雲朝來滿目孤城雨雨暗雲寒色漸微蕭
條何處濕仙衣數峰紅翠吹雲到半日淒清行
雨歸竟是花園照青漢無端夢寐誰能見環佩
三湘萬里寒香羅五色中峰變楚臣何得識仙
靈楚國雲山空自青古林繚紹迷車馬雷電喧
填映戶庭坐來真自饒懷古歎咏寒芳倚翠屏
湖口許君邀飲湖中觀競渡作

五月五日客湖口許侯憐我為客久日午湖中
錦帆開忽覺涼風動窓牖屢稱令節最難遇賓
主天涯幸携手土人風俗重競渡龍舟拏攄堪
回首忽聞兩岸共喧呼乍見羣船突左右大旗
錯莫映清漣擊榜蒼茫爭勝負低迴碧壑舞蛟
螭向背青山閃花柳此時返照共參差宓妃清
嘯來馮夷白日廬山晚霞出清湖彭蠡夕虹垂
酒香頓覺開蓮萼興到偏憐采翠芝雲掩湖開
夾明鏡滿城歡笑舟初勝山頭金界粲常明波
底清鍾巧相應嗟君此樂竟何為世治年豐聊

自嬉快意足誇江表事傷心偏動異鄉悲故園
水竹西門美亦有舟航頗可思拔蒲兄弟仍行
樂解薜風塵長別離明朝祇役還南北慷慨香
醪自不辭

思歸引

江南夜夢還江北楓樹蘆花夜初黑自謂鄉關
長不迷不悟崎嶇歸不得到來湖口倍愁人弟
病沉疴幸更生滿床藥裹憐生事數日愁霖阻
遠行搔頭一望惟羣峭湖滿青林起寒燒思來

不展滿懷憂強起聊成開口笑高堂誰不念飄
蓬勞績寧能比鑿空莫使愁顏臨白水管教腸
斷白蘋中

童子渡口占

豐林生茂竹團團臨渡口細雨小舟橫清風來
左右忽見煙生滿翠微蕉林片片雨中飛平看
烏白纜盈尺歌指香桐忽十圍日夕鄰舟寂不
動鱗鮓醢梅自相競舟人更解為余言此去五
湖為捷徑

發安仁述懷

江頭殘月猶皎皎，嗚咽悲笳轉山嶠。
送客稀疎城上雲，留人無數沙邊鳥。
艱窘空囊意更殷，誰能書疏稍知聞。
千金家信堪腸斷，累月饑寒不復云。
媿將蘇季輕明主，自笑黔婁學使君。
舟中翠濕無新火，僮僕吁嗟淚交墮。
主人猶有舊青衫，暫易餽糧計非左。
張帆大笑望青煙，奴僕嘈嘈何細瑣。

長廊巖寓目

遠望長廊巖，半蔽薌溪岫。
芊眠籠衆林，鑿翠開山館。
稀疎烏臼襍，松楸碧黛紅。
霞日日浮瀑布，半空迷古洞。
香林何代掩丹丘，星窓清影三千仞。
雲幔寒空十二樓，鳥飛群峭時難度。
鹿乳瓊漿出隊游，丹熟金蛾照林表。
霏霏沆瀣明孤嶠，漁父時聞長嘯聲。
山人坐見雲扃曉，樞石龜峯五色晴。
比隣天柱六鳌平，龍吟枕底迷江瀨。
鶴舞臺前想玉京，一夜清湖漲野渡。
含景竒香下高樹，遶戶凝青出岫雲。
逗帆虛白空林霧，我吟

長廊謠清興自逶迤巧匠還輸石骨研巢居信
有雲霞麗寧許依投向一枝自堪灑落無餘計
山頭芳杜解人情飛藥依依坐霑袂

濠梁道中見白兔即事

清淮曙色寒城靜獨自驅車逐朝景方訝悲秋
情更頻併對空山重自省草寒新發露如花忽
見平原起孤影瑩光霜氣不易置嗟哉白兔從
何至玉毫半掩疾如飛迅足輕過竟何似蕪城
慘淡有餘踪紅日晴明杳難視白雲吹雨曲陽

山萬樹千聲濠上市重思異物出有時雪點殊
材何太竒直使素輝消大陸寧教月魄孕新姿
柔情婉婉回仙闕逸思團團向紫芝雲衣鶴髮
翻無據獻瑞真知為明主中林誰是兔置人
媿我粗疎不能取萬里曾無印竹杖一朝肯與
虞羅伍仙姿異產定非常清映孤懷倚高樹山
上秋蟬山下松共嘯深岑宿煙雨

紹古辭

萬曆壬辰孟陬建立之議起諸臣備蒙恩

譴臣嘉謨退而私習古樂府詩有上山采
蘼蕪之章蓋為逐婦作也因紹為辭夫色
渝無敬席之愛能拙鮮織嫵之才夫復何
怨君子尚且悲之况有甚焉者乎恩至斯
歎物極則移開其意而劇其機則聲詩之
道進矣若夫采訪則有司存

條風潤裊長安道花笑鶯歌春色好征馬時時
嘶白雪上山處忽逢香草錦帶翩翩光陸離明
珠蹀躞怨蛾眉宛轉尚疑初嫁日淒迷忍見別

離時憶昔當年共嬌小金鋪玉樹常圍繞自信
朱顏不讓人自言寵愛從來少高樓複道曲相
連綉戶飛甍勢若懸夢迴到處迷香霧戲罷還
疑降列僊朝朝自謂常如此那知恩愛真難恃
生憎面目盡堪疑坐令流言為身累一嗔一笑
詎能期萬歲千秋那得知覆水自拚身見棄葛
根忍見子分離君心對面應難測提挈嬌兒與
君別玉牙珠顆信非常鳳臆龍髻自殊絕家督
何事太匆匆奴僕誰能効小忠被服自甘還褫

帶新粧不惜作飛蓬鄰家女伴來相送淚灑花
前自驚慟落羽無能護衆雛琅玕誰保留孤鳳
聞道新人才色竒應嗟放逐不須悲百千美酒
連宵飲十二紅粧年少時宜城發醅浸琥珀蜜
勺瑤漿澹香液醉來擊劍技偏精睡覺鳴鍾日
初夕賤妾雖云負罪多愁思爭柰寸心何長恨
多應頭白歎百憂重賦履霜歌生平薄質稱竒
遇誰道新人不如故願君家室日安寧不恨飄
零在中路

晴川行送蕭以孚歸楚

晴川自古稱佳麗往往名賢跡相繼君家一旦
擅才華海內聲名羨兄弟少年如玉貌堂堂軒
蓋雙飛入帝鄉直教詞賦輕鸚鵡共道天池待
鳳皇周郎陸弟堪聯壁自許清名更輝赫出牧
誰同殿最竒臺端再見文章伯為想鄉園入夢
頻年來疾病自相親一江雲帆思芳樹幾處青
山憶晚春晴川杳杳寒雲結白馬青絲送君別
黃鶴樓前月似洲青楓江上花如雪我來此地

幸逢君傾盖新知意更殷君到晴川莫相棄南
來書疏數知聞

白陽河夜泊偶書

湖風團團湖水滿冰綠雲青時泊岸夜長戍鼓
自遲遲魂斷寒燈更黯黯愁看直北朔雲輕栖
息迢迢媿此身即令桃源花色好應知津濟有
歸人

歸燕篇

翩翩飛來燕零落寒江渚日夕怨羈栖含情自
愁苦迴看故里是還非苦憶生雛志意違空梁
咫尺何須惜但願留巢待我歸

孤松篇贈人

山中十丈松團團如偃蓋一溪香粒吐新花半
嶺孤雲鎖清籟何來老翁能寄居少年豪放世
莫如幾歲困窮堪折節惟知飲酒頗讀書自信
人生如逆旅桑寄浮萍作儔侶直可因人作遠
遊不妨垂老能輕舉春來雪色坐填門老翁自
壽屢開樽試取孤松共相較幽期何事不堪論

河漸南徙商虞歲被衝嚙僕執役督率
日夕勞苦重感鄙懷聊賦其事比于漢
人鬻子之事為負薪吟云

五月河水壯滔滔接天流荇葉浮萍汎千里驚
濤倏忽無商丘鑿口不惜東南決小邑鞅掌日
夜愁我來河上二三載日夕拮据常懷憂司空
幙府檄如雪厝置辛苦皆良謀淇園竹木伐已
盡蓬麻枯枿日搜求衆夫督率甘作苦自春徂
夏無時休愚人不解出長策徐邳淺澀絕運艘
君不見秦皇驅石到東海又不見漢家鬻子存
空壘芷宮貝闕詎無情珪璧名駒復安在廝渠
往事不須論鮫鹿孤臣涕淚新但願重輪光日
月無復艱難四海人

入子午谷見山雉羣飛雌雄相和甚樂
也偶憶亡妻前歲同行入蜀不覺悲咽
情見乎辭賦飛雉篇

蘄岩復蘄岩空山亘無際孤日不暫停冥冥向
西墜深林野雉忽連羣綺繡翩翻五色文相與

飛來復飛去雌雄追逐何紛紜深崖腐草前溪
水雙雙飲啄誰能似一身毛羽自非竒兩願生
全亮無悔結巢還復向岩隈果潤林香迤邐開
薄力詎當鷹鷂力孤寒不到燕鶯猜生子班班
作儔侶坐令羈人迷處所世間何物尚堪尋痛
哭悲風不能去

草堂寺遊覽

寂寂出孤村江流復幾許明月照秋山淒迷入
犀浦虛堂結構倍蕭條遺像風流恨未消更有
前溪來釣艇松筠一去不堪招

冬日白石橋柴老家醉中作

白石橋頭路蒼然松樹林清霜飄敗葉紅紫散
如今高山燦然開迢迢果幽尋最有野人知我
趣一尊宛轉留人住白醪初熟滿村香大雪纔
消天未暮何處問安道舉杯醉淵明乘興却迷
路近遠醜醜惟覺身欹傾北風凜冽助酒力古
道枯澀散客情流連更憐主人意上馬不辭仍
復醉茅店荒雞時一鳴歸途戀戀依空翠

初唐體

大堤行

妾家住大堤容華人未識芳年纔破瓜獨自誇
顏色翠牀初繫木闌繞紅輪掩扇逆風濤看花
忽過梅根渚擊汰猶聞漢上潮湘中三月烟光
綠樹如拖藍水如玉拾翠佳人戴鳳皇踏草王
孫駕騏驎共唱陽春同此心相將大道看不足
自憐家中蚕百堰何能無賴南陌頭鬱金獨眠
青春日玉筯雙啼明月樓繡將金鑄鴛鴦並卧

起銀牀蘭若浮長城欲寄悲長路夜夢惟知有
夢愁襄陽風雨送君別蘭漿還家心欲絕鶯啼
春草為誰青燕髻新粧為誰設彤堦蛺蝶蕙風
明金剪寒機蚕咽咽一體分離秋復春雙眸慘
黯花如雪青年歡笑不堪追白日憂愁那能說
書來榆塞鴈常單織就流黃燈欲滅流黃飛鴈
意沉沉漫把朱絃託妙音不道青草飛羈雉却
怨高山鳴玉琴雉悲琴怨空相戀路遠山長異
鄉縣直似貞松徒有年饒同明鏡誰能見狂夫

何事久栖遲燕領封侯自可期莫言孔翠無連翼
莫言芙蓉無共枝峴山古石無移日妾意纏綿當自知

鳳笙篇

家世漢江陰美貌復知音幽閒傾一世巧笑直千金
可憐窈窕真無比一朝嫁與東隣子鳴鍾列鼎赫無倫
歌管吹絲喧若市富貴真當擬季倫驕奢不復推許史
苑後丹樓夾道開池邊綺閣中天起七十鴛鴦列玉池
三千冠帶驕珠履

畫屏朝敞色如霞朱戶時開車似水人衣真勝百和香
花開自擅三春麗楊柳絲絲足拂人新蘭馥馥還堪喜
新柳新蘭無限情畫堂獨坐自調笙鶯管宛如天上製
鳳音不似世間聲縈纏嗚噦時飄颺玉振珠垂妙難狀
絳唇乍掩花欲開瑤口全低月初上花香月淡共晴輝
放艷凝哀調不違新聲不是鴻鳴曲楚調依稀烏夜飛
曼聲忽覺在紅梁十二闌干月滿堂芳草半蟠從翠濕
珠簾不捲落紅香芳草珠簾恨何極如

蕭丘集卷之十七
啼如慕誰能識生憎孤鶴只單栖妬殺嬌鸞常
比翼本謂宮商解我心那知絲竹情難測掩抑
凄其動屋塵幽音苦調感心神木葉飄紅滿簾
幙蕙雪凝香散錦茵抱笙不覺還吟歎一身矜
寵誰不羨但使年年常若茲那知歲歲還應變
歲歲年年不可期自恃紅顏擅一時紅顏未改
何須慮且把新笙日日吹

蕭丘集卷之十七

蕭丘集卷之十八

蕭丘王嘉謨伯俞 著

門人關中盛以弘子寬

友人濱州王文運子相

弟 嘉詔奉孺校

五言律詩六十二首

帝京懷古二首

悲歌望易水懷古思悠哉荒草連沙磧衝風振
古臺荆卿非義俠燕主豈仙才坐見邯鄲道千

秋意自哀

二

幽薊西南地
崔嵬秀衆山
菁葱陪斗極
跨踞落人寰
地有龍蛇窟
天開虎豹關
沉冥堪晦跡
何用桂叢攀

山居禱興五首

山居真寂茂
寡合值清時
別鶴何堪奏
聞雞肯自期
莓苔隨雨積
藤葛任風吹
不覺春將盡
開門有所思

二

自買青山後
羞從白社名
女桑春氣秀
仙莢歲華更
歲塞鋤難盡
芬芳攬更生
於陵堪自比
妻子共深耕

三

清時嗟棄置
幽獨柰情何
不意栖遲久
翻憐寂寞多
風花野色暖
香草鳥聲和
爛熳愁何事
空擬古昔歌

四

日日情翻倒蒼茫當暮春殘雲墮何處孤月解
愁人失意從時拙幽懷狎俗頻沉淪吾豈敢孩
鶴實相馴

五

無復高人志空餘履屐知幽憂真自慰汗漫更
堪悲積雪雲根淡流澌鴈影遲北山應未負高
詠荅清時

招靈寺旅寓寫懷二首

琳宮淨秋色景物思參差才拙何堪忌情傷應
獨知空香晴亦濕新酒濁偏宜豈意浮沉久悠
悠年少時

二

何嫌卜築僻金界足盤桓暑盡蟲聲勁宵清戍
鼓殘平林熏露重織月報霜寒栖託還無住秋
思坐自寬

筍溪夜泛二首

幽懷向何處山月照他鄉萬里同清夜千峰送
晚涼微雲籠野火佳木汎湖光會見蒼莨處還

歌招隱章

二

河上偏宜月連天見遠峰新霜飄萬斛古樹擁
千重檣外喧寒鳥舟中隱暮鍾神交傷自苦幽
谷絕來蹤

秋日山居

夜半松風靜幽栖窓牖虛驕寒何忽促暮色坐
紆餘草木多成頌江文通有草蟲魚劇著書貧
木頌十五首窮還自羨無處任馳驅

山中暮望

極目柴門下蕭條欲暮時草寒千里白雲合數
峰歌遙辨郵亭火微聞樵客詞年來車馬絕何
用掃茅茨

石經山館四首

疊嶂連芳甸森疎山水靈無從追往跡空自有
遺經古澗新源白寒峰落葉青一朝諧夙好身
世共沉冥

二

茅屋半幽村，栽松結構繁。
雲根引恒岱，仙氣溯崑崙。
元亮惟五柳，庾公有小園。
幽懷渾汗漫，相對欲忘言。

三

井邑堪朝望，空青墮小軒。
輕煙不滿市，寒草自盈門。
虛谷飛泉暗，孤村細雨喧。
更無賓客至，寂寞向誰論。

四

歲向空山盡，高軒掩暮巖。
倚門明月隱，極目曲溪尖。
五華橫天出，三河圻地潛。
緯蕭堪自奉，不復到閭閻。

夜泊潞河觀入賀者偶題口號

南望郊原晦，窮冬色黯然。
千般時集岍，九牧共朝天。
宵鴈飛斜月，風鳶信夕煙。
堪嗟川上意，獨坐扣征舷。

暮歸

夕日臨郊甸，淒其向酒徒。
春深山更暗，雨細草堪枯。
孤僻安微志，飄零想壯圖。
北風吹醉思，不

恐取征途

初春戲作二首

人日空風雨幽居歲色新世情堪縱酒春事未
留賓雲霧龍蛇隱芬芳燕雀馴狂歌新甲子誰
謂媿清真

二

幽懷堪自遣快意過芳時春遠山長媚風和物
自私筍蒲留野客花雪頽家兒盡日從嬉戲開
襟何復疑

山居二首

偶然無俗事閉戶聽孤松簇簇草芽出陰陰春
氣穠烟華近上已蕭索惜餘冬欲與南隣叟開
樽意復慵

二

自與青門別承家舊業傳形容買斧懶筋力荷
鋤全落日絕烟火寒雲照野泉依依同畔者沮
溺足稱賢

旅館雜興二首

日夕高樓上，憑軒望遠林。
寒雲出岫緩，餘日傍村深。
醉憶生平志，秋增遠道心。
哀絃時自拂，古調為誰吟。

二

夕眺長松下，淒清秋興賒。
辟邪連地碧，蟬竦向風斜。
古道時歸鳥，空畦半著花。
客懷能自慰，還似野人家。

送別劉二

河上霜風夕，清尊萬里情。
斜陽照匹馬，寒樹擁空城。
此日嗟分手，何年問遠行。
憑將芳草色，到處送歸程。

玉華寺

層峯開淨域，十丈控丹梯。
坐瞰平湖淺，中分萬嶺低。
斜陽塔影小，飛瀑磬聲迷。
自覺諸天近，香花聚路蹊。

夏日旅懷

真知生事拙，長自向山中。
林壑差相合，村醪幸不空。
蒸梨媿哀仲，舞鶴感羊公。
此意誰能識，還

思塞上翁

朱司隸邀宴

綺幕朝來戲芳華
忽滿堦槐風吹曲座
蘭雪灑空齋
絲竹喧軍樂
鶯花按妓釵
還憐佳節近
醉極更登臺

旅寓雜詩三首

獨坐臨清旭
彌年但有違
朝霞從樹照
衆鳥遶庭飛
高枕愁何事
明燈坐自悲
寸心寄流水
日夜望西歸

二

歸夢端倪積
徒看秋色過
雨中飛鴈急
山下暮雲多
薄俗羞文字
歲身託浩歌
魂招從故里
愁苦閉烟蘿

三

黯黯山城閉
臨高暮望分
夕陽一片雨
秋色半峯雲
鴈響聲相續
樵歌斷復聞
不堪思落羽
真自泣離羣

樓上夕望

何事情常劇無憑醉轉愁村虛雨更靜天迥樹
宜秋白眼堪憑几青山任倚樓賦成還自歎信
羨為誰留

雨中西歸

一別雲霞地歸心四望通寒林城闕曙煙雨成
樓空輕燕頻高舉浮鷗狎漸同蓬蒿真自好不
復逐征蓬

除夕前一日

除夕明朝是空憐歲復殘春爭隔歲暖日冒遠
山寒冰雪愁中過雲霞醉後看誰知經少壯潦
倒更無難

家居偶題

依依墟里近繚繞對空園時奉慈親役追隨父
老言春鶯桑柘滿早燕柳花喧隨意看場圃誰
言朝市煩

二

舊舍西門裏幽尋媿不違天清平楚濕風急夕
鴉歸少婦承厨竈家人采蕨薇登堂聊戲劇竊

比老萊衣

督府公邀寓其海塾別業敬賦

上公巖壑日降意及諸生坐見碧嵐興偏增白
社情松濤潛枕席芝菌滿軒楹幸竊陪清暇何
堪國士名

海塾望西山

西山夙所好水竹幸相隣晴日蒼烟濶陰岬春
樹新雀生寒滿地嵐色遠親人到處堪留賞何
煩更問津

海塾暮雨

細雨壓松濤山寒雲色高濕花照平楚舞燕滿
蓬蒿不寐憐清夜無人共濁醪幽憂何足歎真
自戀緜袍

鑿山

瀾瀾湖水外疊嶺削青冥十丈涵霜鏡三春洗
翠屏山寒果半落石古草常青日夕迷歸路樵
聲自可聽

山下破寺

山巖互結構古寺對空津
新樹連村發流澌哀壑
春泥香絕野燒松雪淨
飛塵本欲摩崖記尋幽
未易頻

自破寺至鷓鴣谷

躋險穿蒙密樵風去路長
杏花茅店冷柳絮野村
香長嘯忘幽寂尋真喜
渺茫迷途問何處乘月
有歸航

海塾偶題

忽忽忘憂壑無人驚日斜
乾坤宜褊性風樹合

山家嫩竹抽新笋孤燈報
晚花恩來獨隱寐誰與
夢京華

二

倚杖林垌外栖遲不自期
十年易地主今日得山
陞湖濶波聲靜風迴嵐
氣隨頻將采芝草雜佩
過良時

三

寂寞庭常閉門開返照閒
高原恣晚矚平楚接柴
關野曠雲迷徑湖清月
在山悠然見衆鳥叫

嘯向人還

四

朝來迎曉立還自賦新詩樓幔寒初捲琴尊日
不辭泉香添草色雲曙發花枝不必逢漁父滄
浪信在茲

白石橋

紛衍石橋路西山野望初中流白鷺起兩岸綠
楊踈泉瀦團仙脉鍾鳴逗佛廬忽憐塵市處幽
意更踟躕

移居水簾菴

卜築還幽寂芳菲共杳冥無人來曲徑終日對
空庭斜月喧羣鳥微霜撲亂螢沉淪忘去住不
媿北山靈

妙高峰下獨坐

空潭映左右榆柳坐紛紜半渡懸危嶺中天落
晚雲幽人若為伴寒鳥自成羣最有尋芝意叢
香處處聞

與子烏訪呂逸人

曲逕泛微雲相邀日未醺離懷隔歲晚佳節忽
春分座向綠苔滿簾開清露聞出門扶醉去芳
草共紛紜

友人尋

薄暮來清妙方當家醞新雙童能熟酒一鳥更
鳴春近市非關隱清言不惜貧後園芳意盛移
席莫辭頻

九日尋子烏

雨雪清思發堪尋卜築幽憐君山舍僻滿目菊
花秋露氣飄高柳湖光蕩小舟野人渾自愛何
惜共淹留

軍峽逢吳二宜僕

日殘雪淼淼獨望北山歸倚杖歌芝草逢人負
蕨薇樹聲鳴夕壑虹氣隱晴暉物色堪如此開
尊意莫違

宜僕宅宴

茅屋偏幽隱繁花覆四隣池邊蘚成席樹裡鳥
窺人酒拚一生足山清萬里春醉來堪倒載不

曲逕泛微雲相邀日未醺離懷隔歲晚佳節忽
春分座向綠苔滿簾開清露聞出門扶醉去芳
草共紛紜

友人尋

薄暮來清妙方當家醞新雙童能熟酒一鳥更
鳴春近市非關隱清言不惜貧後園芳意盛移
席莫辭頻

九日尋子烏

雨雪清思發堪尋卜築幽憐君山舍僻滿目菊
花秋露氣飄高柳湖光蕩小舟野人渾自愛何
惜共淹留

軍峽逢吳二宜僕

日殘雪淼淼獨望北山歸倚杖歌芝草逢人負
蕨薇樹聲鳴夕壑虹氣隱晴暉物色堪如此開
尊意莫違

宜僕宅宴

茅屋偏幽隱繁花覆四隣池邊蘚成席樹裡鳥
窺人酒拚一生足山清萬里春醉來堪倒載不

必整綸巾

雨中過密雲金山寺

海天陰靄合白霧冷如秋
鴈塞橫遙嶺龍池帶
戍樓七盤時自隱一徑望中浮
坐愛香臺晚續
紛花雨幽

水峪寺次雪舸翁韻二首

平蕪十里近飛瀑遠潺湲不識禪
林迥遙看古樹間
踈鍾凝白日寒翠聚青山
一飲中冷水蕭然自掩關

二

野寺尋幽處高高入太清
一池秋水白四面海雲晴
乳竇分山色深林作雨聲
空齋還自訝片
片夜珠明

松峰寺

寺有松甚臃腫俄自焚死

不辨松峯寺枯松卧殿前
時移逢劫火材美任
天年夜送蒼龍雨晴開怖
鷄天餘香秋日後菴
藹護安禪

盤山絕頂無量殿舍利塔下作

寶塔倚虛空，迢迢望不窮。
一登絕頂小，杳見九州同。
秋共雲烟淡，天迴江海通。
旁人歷指掌，側足竚芳叢。

中盤水亭

下山更縈曲，群峭使人迷。
中嶺漸含秀，孤亭忽有蹊。
檻低度星月，樹古冷雲霓。
隔手知何處，啾啾百鳥啼。

旅夜

旅客思方倦，行吟日暮時。
風生草露濺，月照野

陰遲。雅志惟歸隱，能文即數奇。
經秋多涕淚，不必為傷離。

寶塔倚虛空迢迢望不窮一登絕頂小香見九州
同秋共雲烟淡天迴江海通旁人歷指掌側
足竚芳叢

中盤水亭

下山更縈曲群峭使人迷中嶺漸含秀孤亭忽
有蹊檻低度星月樹古冷雲霓隔手知何處啾
啾百鳥啼

旅夜

旅客思方倦行吟日暮時風生草露濺月照野

陰遲雅志惟歸隱能文即數竒經秋多涕淚不
必為傷離

蘇丘集

卷之十八

蘇丘集卷之十八



